


SUSTENTABILIDADE OSS ENJERÁL: 3.4



Iha 2021, Timor-Leste kontinua hasoru impaktu husi pandemia COVID-19, estragu boot husi siklone, no obstákulu burokrátiku no atrazu responde ba asuntu rua ne'e. Iha Marsu 2020, Timor-Leste deklara estadu emerjénsia hodi responde ba iha pandemia COVID-19, ne'ebé maka permanese vigór to'o kuaze tinan tomak tanba nasaun esperiensa ondas rua husi kazu COVID-19 ne'ebé sae. Durante estadu emerjénsia, governu taka fronteira nasional, bandu eventua no hasoru malu sira ne'ebé boot, limita transporte, no autoriza distansiamentu sosal no prosedimentu kuarentena atu limita transmisau komunidad husi virus ne'e. Estadu emerjénsia remata iha fim Novembru 2021, maibé medida balun konaba COVID-19 permanese vigór, hanesan mandatóriu uza maskára no distansiamentu sosal. Maske Timor-Leste rejista kazu oituan de'it husi COVID-19 iha 2020, iha fim 2021, nasaun ne'e rejista kazu 19,833 no mate 122. Iha 7 Abril, Loron Mundial Saúde, governu komesa kampaña vasinasaun COVID-19. Iha fim do ano, kuaze sorin husi total populasaun simu ona doze dahuluk.

Situasaun ne'ebé difisil no rapidamente sai pior iha Abril 2021, bainhira nasaun hetan atake husi Siklone Tropikal Seroja. Siklone ne'e estensivu kauza inundasaun, rai-monu, estraga infraestrutur, animal, no ai-han sira, no kuaze haat-nulu-resin-haat mate. Imapktu ne'e espesialmente evidente iha kapitál sidade, Dili, iha ne'ebé maioria populasaun afeitadu no familia-sira barak lakon sira-nia uma no sasan. Bazeia ba relatóriu husi Banku Mundiál, kustu ba rekuperasaun ninian bele to'o millaun \$420. Destruasaun ne'ebé kauza husi siklone hatudu dezafiu signifkante ba governu, ne'ebé maka foku hela ba mitigasaun impaktu husi COVID-19.


Governu la iha fundu emerjénsia sufisientemente apoiu rekuperasaun husi siklone, no burokrátiku signifkante halo atrazu prinsipalmente impaktu ba iha governu ninian intervensaun-sira no asisténsia ba vitima-sira husi siklone ne'e. Ho governu ninian atrazu no limitasaun sira, maioria apoiu ne'ebé ativu mai husi doador no ajénsia internasionál sira, ajénsia Nasoens Unidas (UN), organizasaun relijozu, no sosiedade sível, inklui OSS iha nível nasional no munispál. Maioria populasaun-sira ne'ebé afetadu hela iha fatin temporáriu sira. OSS servisu atu oferese materiál ijiene no apoiu umanitária ba sira ne'ebé maka hela iha fatin temporáriu, no kongregasaun relijozu sira apoiu rehabilita uma-sira.

Maske ho ambiente ne'ebé kuaze difisil, sustentabilidade OSS enjerál iha Timor-Leste aumenta oituan iha 2021. Maibé ambiente legál no viabilidade finanseira mantein la iha mudansa enjerál, kada dimensaun seluk husi sustentabilidade OSS aumenta husi progresu tinan tomak. Benefísiu husi esperiensa 2020 no aumenta oportunidade treinamentu ne'ebé prevalénsia, kapasidade organizasionál iha setór aumenta moderadu iha 2021; apoiu infraestrutur iha setór ne'e mós aumenta moderadu, partikularmente tanba aumenta iha oportunidade treinamentu sira no parseria intersetoriál tanba stakeholder-sira hotu servisu hamutuk atu atinji nesiedade emerjénsia. OSS oferese urjentemente nesiedade servisu asisténsia hodi responde ba iha COVID-19 no Siklone Seroja Tropikal, no imajen públka husi setór ne'e aumenta moderadu tanba mídia no seluk aumenta rekuñesimentu ba servisu integrál OSS ninian. advokasia OSS aumenta oituan iha 2021 tanba governu aumenta sensibilidade ba kampaña OSS ninian, iha koperasaun ne'ebé diak liután ba apoiu entre setór OSS no representante governu. OSS aumenta fleksibilidade no sensibilidade ba iha nesiedade ne'ebé urjente tebes husi sira-nia komunidad-sira, maske apoiu finansial no kapasidade staff mantein

limitadu iha parte balun. Governu no setór privadu kontinua haree OSS hanesan parseiru ne'ebé forte no importante tebes iha dezenvolvimentu, no setór imajen públiku mantein forte.

Bazeia ba dadus husi Ministériu Justisa (MJ), iha asosiasaun nasonál 79 no internasionál 3 ne'ebé maka rejistu foun iha 2021, no iha fundasaun nasonál 31 no internasionál 2. Totál númeru organiza-sira ne'ebé rejistradu hamutuk fundasaun nasonál 170 no internasionál 2, asosiasaun nasonál 609, no organiza-sira naun-governamentál internasionál (INGOs) 85. Maibé, MJ la update baze-de-dadus regularmente no organiza-sira barak maka rejistradu iha MJ la ativu tiha ona. Bazeia ba NGO Forum Timor-Leste (Forum ONG Timor-Leste, FONGTIL), totál ONG nasonál 223 no internasionál 27 maka ativu iha nasaun ne'e iha 2021.

AMBIENTE LEGÁL: 3.4



Ambiente legál ne'ebé regula setór OSS mantein la iha mudansa boot iha 2021.

Lei Nú. 5/2005 (Decreto Lei do Governo 5/2005) kontinua atu governa asosiasaun no fundasaun sira. Lei ne'e hakerek iha Portugéz no tradús iha Tetun, nasaun ne'e ninia lian ofisiál, nomós Inglés. Maibé, versaun Portugéz kontinua prevaleser kuandu iha konfuzsaun ruma, kontinua iha komplikasaun ba OSS ne'ebé maka predominantemente uza Tetun.

Hakman oituan prosesu rejistrasaun, iha 2021, MJ estabese departamentu notariadu iha kada munisípiu, permite OSS-sira atu rejistu iha nível munisípiu duke presiza viajen ba Dili. Enprinsípiu, organiza-sira tebke rejistu iha MJ molok implementa kualker programa, maibé organiza-sira balun ne'ebé la rejistu ativu iha 2021.

Iha 2021, FONGTIL— hanesan sumbriña organiza-sira ne'ebé maka apoiu iha tantu rejistu no la-rejistu ONG sira— konvoka reuniaun konaba possibilidade amenda Lei Nú. 5/2005. Enkontru ne'e foku ba iha faktu katak maske artigu ida husi lei ne'e ne'ebé maka espesifikamente rekere organiza-sira ne'ebé maka estabese iha Timor-Leste tenke rejistradu iha MJ, ne'e la koalio konaba organiza-sira ne'ebé maka estebelese iha rai seluk no halo servisu iha nasaun ne'e, permite organiza-sira lubuk atu halao servisu la-ho rejistrasaun iha nasaun ne'e. Diskusaun ne'e kontinua lao to'o iha fim do ano.

Hanesan iha 2020, MJ dalaruma rejenta naran organiza-sira nian, espesialmente sira-ne'ebé maka refere ba iha identidade rezisténsia ka nasonál, komplika iha prosesu rejistrasaun. Iha 2021 FONGTIL konvoka reuniaun ida ho staff notariadu MJ atu diskute konaba asuntu ne'e. Lei ne'e mós rekere organiza-sira atu iha konta bankária, maibé rekerimentu ne'e la aplika konsistentemente. Komplikasaun sira ne'e kontinua halo organiza-sira balun konfuzsaun atu aplika ba rejistrasaun, partikularmente bainhira kombinadu ho presiza atu tradús dokumentu hotu ba Portugéz.

Lei ne'e la limita eskopu servisu OSS nian no enjerál governu la interfere ho atividade-sira OSS nian. Maibé, iha 2021, OSS no movimentu informál sira lobby kontra alterasaun ezbosu ba iha kódigu penál konaba defamasaun kriminal. Hanesan ezbosu, alterasaun ne'e sei ameasa atu kriminaliza defamasaun hotu, ho nune'e ameasa ba iha individuál no organiza-sira ne'ebé maka crítica governu ka fahe informasaun. Ho reasaun husi públiku, ezbosu lei ne'e kanseladu iha Marsu 2021 maibé nafatin hanesan prekupaun ida.

OSS-sira legalmente permite atu organiza ka partisipa iha demonstrasaun maibé tenke notifica antes ba iha polísia nasonál. Demonstrasaun-sira ho metru 100 distánsia husi ofisiu governu no parlamentu nasonál kontinua rigorozu.

OSS-sira la selu taxa husi sira-nia rendimentu fundu maibé tenke selu taxa ba importasaun sasan-sira. Bazeia ba Lei Tributária (Lei Tributária No. 8/2008 de 30 de Junho), empregadór-sira tenke rekolla taxa 10 pursentu husi rendimentu funsionáriu-sira ne'ebé hetan liuhusi \$500 kada fulan. Maibé, OSS-sira, espesialmente organiza-sira Timor-oan ninian, luta atu adere ba rekerimentu ida ne'e. Ho nune'e, babain staff-sira ne'ebé servisu ho INGOs no OSS-sira ne'ebé servisu iha nível nasonál maka kumpri lei ne'e. Kada organiza-sira tenke iha Númeru Identifikasaun Taxa ka TIN.

OSS legálmente permite atu hetan rendimentu, involve iha kampaña buka fundus, no simu fundus husi governu no doador internasionál sira. Maibé, organizaun Katólíka sira asesu ba fundu ne'e aumenta difísil iha 2021. Mudansa iha kontinuasaun konkordánsia entre governu no Igreja (*Câmara Eclesiástica*, Ecclesiastic Chamber) determinadu katak apoiu husi Gabinete Primeiru Ministru sei direitamente ba iha kada Dioseze, no hafoin sei aloka fundu ne'e; mudansa ne'e implementa iha inísiu 2021. Antes ne'e, organizaun relijiozu sira hotu bele atu submete proposta ba fundus direitamentu ba iha Gabinete Primeiru Ministru. Organizaun Naun-Katólíka nafatin bele, maibé organizaun Katólíka agora tenke liuhusi Dioseze.


Eziste kapasidade balun iha nasaun ba asisténsia legál, partikularmente konaba polítika públika, maibé OSS iha nível nasional no munispál la iha fundus ba iha asisténsia legál no la iha advogadu Timor-oan ne'ebé pérítu iha regulamentu relasionadu ho OSS.

KAPASIDADE ORGANIZASIONAL: 3.0

Kapasidade organizasionál OSS iha Timor-Leste aumenta moderadu iha 2021, maioria tanba melhoramentu iha kapasidade tékniku, jestaun interna, no treinamentu ne'ebé aumenta ba iha staff OSS sira.

OSS-sira prova resiliente iha adaptasaun ba obstákulu husi 2020. Ho esperiénsia ne'e, sira prontu liután atu responde ba iha kontinuasaun impaktu husi COVID-19 iha 2021, kontinua mantein adapta hodi hasoru nesiedade no obstákulu adisionál sira. Maioria OSS-sira mantein relasaun forte ho sira-nia konstituente-sira, kontinua atu komunika liuhusi telemóvel no liuhusi plataforma mensajen-sira hanesan WhatsApp. Inísiu iha 2021, OSS-sira balun bele atu hasoru malu ho konstituente-sira direitamente. Parlamentu rekoñese OSS-sira nia pél iha responde ba iha krizi saúde no permite organizaun-sira balun atu hetan lisensa husi Sentru Integradu Jestaun Krize (SIJK) ne'ebé maka permite sira atu servisu iha kampo durante períodu konfinamentu.

ORGANIZATIONAL CAPACITY IN TIMOR-LESTE



Maioria OSS-sira iha estatutu ne'ebé define klaru sira-nia misaun no planu estratéjiku sira ba períodu tinan tolu to'o tinan lima. Tanba registraun rekere estabelesimentu estatutu báziku, no planu estratéjiku babain tanba rekerimentu husi doador. Hanesan iha 2020, iha 2021, organizaun-sira ses bebeik husi sira-nia misaun ne'ebé definidu no atividade-sira ne'ebé planeadu tanba atu responde ba iha nesiedade ne'ebé urjente liu no sira bele ho limitaun rekursu. Atividade-sira barak maka kontinua suspende tanba restrisaun COVID-19, maibé OSS-sira kontinua oferece apoiu umanitariu tanba sira servisu atu prevene no mitiga impaktu husi COVID-19.

Enjerál OSS-sira iha konsellu diretivu maibé membru konsellu ladun ativu iha apoiu ka kontribui profundamente ba iha governasaun organizasionál. Iha progresu balun iha 2021, maibé, bainhira membru FONGTIL sira konvoka programa auditoria sosal no oferece rekomendasaun lubuk atu hadia polítika jestaun interna no estrutura OSS-sira, ne'ebé maka implementa duni. Hanesan, iha fim do 2021, maioria organizaun-sira estabelese ona polítika no prosedimentu konaba abuzu seksuál no fraude, melhoramentu ne'e husi kedas 2020. FONGTIL mós akonsela fundador husi organizaun atu labele sai hanesan diretór; rekomendasaun ne'e kontinua iha diskusaun nia laran to'o iha fim do ano.

Kapasidade staff OSS partikularmente melhoradu iha 2021, benefísiu husi treinamentu-sira husi tinan tomak no aplikasaun lisaun ne'ebé aprende iha 2020 hodi aumenta kapasitasaun. Maibé, mudansa staff kontinua sai hanesan problema ida tanba staff ne'ebé iha skills no kualifikadu sempre rekruta husi governu ka institusaun-sira seluk. OSS-sira babain rekruta staff bazeia ba projetu; staff projetu treinadu iha programa relevante no skills sira seluk.

OSS-sira nia kapasidade tékniku kontinua atu hadia iha 2021, tanba sira nesesiariamente muda ba iha servisu online. Maioria OSS-sira bele atu asesu ba iha internet no informasaun no teknolojia komunikasaun (ICT) iha 2021, no maske iha nível munispál, OSS-sira haluan sira nia servisu online husi WhatsApp no e-mail ba plataforma-sira hanesan Zoom, Microsoft Teams, no WebEx.

VIABILIDADE FINANCEIRA: 4.4



Enjerál viabilidade financeira husi setór OSS mantein la iha mudansa iha 2021. Maske tantu fundus estranjeiru no lokál diminuídu, governu kontinua atu fornese asisténsia nesesáriu ba iha setór ne'e. organizasaun-sira relata katak fundus disponível, maske menus husi tinan kotuk, maibé fleksível tebes iha 2021. OSS-sira balun mós hasae sira-nia abilidade atu hetan rendimentu, no benefísiu-sira seluk husi melhora sira-nia sistema jestaun financeira no polítika sira.

Maioria OSS-sira iha Timor-Leste depende ba iha fundu husi doadór internasionál sira no governu. Organizasaun-sira balun simu fundus husi doadór barak, ne'ebé maka permite sira atu sustenta sira-nia atividade-sira. Maioria organizasaun-sira, maibé, kontinua atu luta ba diversifika sira-nia rekursu financeiru no depende liu ba iha fundus projetu ho tempu-badak.

Lihusi orsamentu estadu anuál, governu oferese apoiu ba OSS-sira tantu kustu ba programa nomós operasionál. Iha 2020, primeiru ministru anúnsiu komitmentu foun governu ninian atu apoiu OSS-sira iha kada tinan fiskál, kanaliza fundus sira ne'e liuhusi FONGTIL. Iha 2021, OSS145 maka simu ho totál \$2,158,225 husi fundus governu. Maske ne'e redusaun ne'ebé notável kompara ho millaun \$3.2 husi Gabinete Primeiru Ministru ne'ebé alokadu atu apoiu OSS iha 2020, atrazu ne'ebé naruk iha aprovasaun orsamentu iha 2020 atrazu mós iha transferénsia kualker fundus to'o iha Novembru 2020. Kontráriu, iha 2021, OSS-sira imediatamente benefísiu husi apoiu sira ne'ebé barak tebes, no governu estende tempu ba uzu fundus to'o Marsu 2022.

Organizasaun-sira hetan konvite atu aplika ba fundus husi Gabinete Primeiru Ministru, dezde sira kolabora ho autoridade governu hodi atinji objetivu-sira ne'ebé konkorda hamutuk. Embora fundus governu tantu OSS iha nível nasional no munisipál, fó liu prioridade ba organizasaun lokál sira duke sira ne'ebé nasional baze iha Dili.

OSS-sira balun levanta prekusasaun konaba selesaun proposta no nota katak prosesu selesaun governu bele opaku, la esplika oinsá OSS-sira balun rejeita maske organizasaun-sira ne'ebé simu apoiu ne'e menus kompetente. Péritu-sira balun relata katak desizaun governu ninian bele influensia husi relasaun pesoál ka konflitu interese sira seluk. Maibé, OSS-sira dalaruma konfuzau atu relata prekusasaun konaba prosesu selesaun ne'e, tanba tauk katak crítica governu bele impede sira-nia oportunidade atu hetan apoiu iha futuro.

Impaktu financeiru kontinua husi pandemia ne'ebé kontinua atu limita oportunidade fundus husi doadór bilaterál no ajénsia internasionál sira, ne'ebé maka redús neneik sira-nia apoiu ba OSS-sira iha 2021. Durante tinan ne'e, doadór estranjeiru nafatin prioriza programa konaba COVID-19, obriga OSS-sira atu kansela ka suspende atividade-sira seluk. Doadór entranjeiru-sira tenta atu foku sira-nia apoiu ba iha programa, laos kustu operasionál ka saláriu ba staff sira. Doadór-sira balun apoiu fornese fasilidade ne'ebé maka nesesáriu atu implementa atividade-sira, maibé hafoin husu atu fasilidade-sira ne'e tenke fó fila-fali bainhira projetu remata. Maske nune'e, OSS-sira kontinua depende makaas ba iha apoiu estranjeiru. Uniaun Europeia - no UN- fundu Spotlight Initiative, purezemplu, kontinua atu apoiu esforsu-sira atu elimina prátika ne'ebé ladiak no violénsia hasoru feto no labarik-feto sira. Inisiativa ne'e, lansa iha 2020 ho totál orsamentu millau \$15 ba tinan tolu, ne'e implementa husi governu no OSS lokál sira hanesan Belun, Asia Justice and Rights (AJAR), Asosiasaun Chega! ba ita (ACbit), no sira seluk. Organizasaun relijiozu sira mós hetan apoiu programa emerjénsia liuhusi Santa Sé, representa papa iha Timor-Leste, ne'ebé maka asina memorandum of understanding (MoU) ho governu.

La iha rejista konaba apoiu setór privadu ba OSS-sira iha 2021, maske kompañia-sira balun kolabora ho OSS hodi oferese apoiu umanitária ka apoiu materiál ba iha comunidade-sira ne'ebé presiza.

OSS-sira balun iha Timor-Leste involve ativamente iha buka fundus, no hanesan iha 2020, la iha ne'ebé maka halao atividade buka fundus. FONGTIL kontinua atu rekolla fee membru-sira, hanesan estabelesidu iha regulamentu interna.

Embora maioria OSS-sira kontinua atu luta ba hetan rendimentu adisionál, balun aumenta no melhoradu esforsu-sira ne'e iha 2021. Purezemplu, grupu comunidade balun servisu ho feto no joven sira ne'ebé bele hetan rendimentu

liuhusi atividade agrikultura no produsaun artezenatu sira. OSS-sira balun mós hahú dadaun atu hetan rendimentu liuhusi fó aluga salaun enkontru ka kareta sira.

Maioria OSS membru FONGTIL—abranze OSS internasionál, nasionál, no lokál—iha sistema jestaun interna iha fatin, ne'ebé maka melhoraun inklui polítika anti-fraude no anti-korupsaun. Organizaun Komunitade-Baze, maibé, iha kapasidade ne'ebé menus tebes. Doadór-sira balun oferese matadalan finanseiru atu aseguara kumpri tuir proposta orsamentu, maske fleksibilidade balun permite tanba impaktu husi COVID-19 ba implementasaun projetu. OSS-sira balun realiza auditoria anuál, maibé ne'e maioria depende bainhira sira iha rekursu atu bele realiza ida ne'e. OSS-sira hotu simu fundus governu ne'ebé obrigatóriu atu submete relatóriu anuál ba governu, no barak maka publika sira-nia relatóriu atu hatan ba iha rekerimentu doador no informa ba sira-nia stakeholder no parseria xave konaba sira-nia servisu.

ADVOKASIA: 3.1

Advokasia OSS iha mudansa ne'ebé diak naton iha 2021 tanba governu hasae sensibilizasaun ba kampaña advokasia OSS sira nian, aumenta koperasaun ne'ebé diak tebes no komunikaun entre setór OSS no representante governu.

Governu kontinua rekuñese OSS hanesan parseiru dezvoltamentu ne'ebé ativu, no OSS-sira legalmente garante direitu atu halo demonstrasaun no kritika desizaun-sira husi governu ka Parlamentu Nasionál. Hanesan iha 2020, maske restrisaun pandemia kontinua atu limita ema halibur malu, OSS-sira iha esperiensa no obstákulu adisionál atu halo advokasia no mantein involve ativamente iha 2021.

Durante tinan ne'e, OSS-sira oferese rekomendasaun-sira ba governu liuhusi relatóriu-sira no talk show, iha ne'ebé sira diskute isu ne'ebé relevante tebes iha sira-nia comunidade. OSS-sira nia peskiza, purezemplu, emfáze iha impaktu husi COVID-19 restrisaun ba comunidade-sira, inklui aumenta iha violénsia bazeia ba jéneru, no alerta ba autoridade governu ba nesiedade báziku. Mídia senter FONGTIL sai hanesan kanál ba OSS-sira atu fahe informasaun ho governu no halo advokasia representa sira-nia comunidade-sira. Purezemplu, ho konfliktu entre ofisiál polisia sira balun no membru-sira husi comunidade viola regulamentu konfinamentu, FONGTIL no ninia membru-sira uza mídia senter atu emfáze kazu, última estimula investigasaun formál.

OSS-sira mós koopera direita ho governu sentrá ba ezbosu lei-sira balun. Purezemplu, iha 2021, Rede Feto, rede organizaun ida ne'ebé servisu atu promove igualdade jéneru no empoderamentu feto, serviu besik liu ho governu liuhusi Sekretáriu Estadu Igualdade no Inkluziun, ho apoiu tékniku husi UN Women. Kolaborasaun no advokasia ida ne'e ultimamente rezulta aprova iha Parlamentu Nasionál konaba lei tráfiku umanu iha 2021. Advokasia OSS mós rezulta aprova ho susesu Lei Direitu Labarik nian. Iha 2016, ezbosu lei diskute no submete tiha ona ba parlamentu atu aprova, maibé diskusaun-sira suspende tiha. Ho impulsaun no rekomendasaun sira husi Rede Feto, ezbosu lei ne'e jeralmente aprova husi Parlamentu Nasionál iha Setembru 2021 no kontinua ba diskusaun liután ho entidade relevante-sira hanesan Grupo das Mulheres Parlamentar de Timor-Leste (GMPTL).

Nune'e mós iha 2021, liuhusi diskusaun-sira ho Sekretáriu Estadu Formasaun Profesionál Empregu (SEFOPE), OSS-sira rekomenda ezbosu husi Lei Traballu Doméstika Espesífika. Hafoin koalía iha mídia senter FONGTIL, SEFOPE komitmentu atu kontinua koalía konaba lei ne'e; possibilidade ba lei foun kontinua iha diskusaun iha fim do ano.

The Justice System Monitoring Program (JSMP), OSS ida, ofere akonsellamentu legál ba iha Parlamentu Nasionál konaba proposta lei sira. Purezemplu, iha 2021, JSMP oferese opiniaun ba iha Parlamentu Nasionál konaba ezbosu lei relaciona ho ezonerasaun no komutasaun husi sentensa, eleisaun presidensial no estrutura administraun eleitoral, no registraun votante-sira. JSMP mós aperta polítiku-sira atu prepara no sirkula ezbosu iha in Tetun, in addition to the original Portuguese, atu bele hetan ideia diak liután husi públiku no sosializasaun iha entre OSS-sira ne'ebé relevante no públiku.



OSS-sira mós oferese supervizaun ba governu. Iha 2021, maske nasaun ne'e haleu husi impaktu tantu COVID-19 no inundasaun, governu gastu rekursu ne'ebé maka másimu atu partisipa iha Expo Dubai; alegasaun adisionál sujere katak representate governu balun uza fundus públiku ba sira-nia família atu viajen no partisipa iha eventu ne'e. FONGTIL relata kazu ne'e ba Tribunál no halo advokasia ba investigasaun ba iha abuzu fundus governu. Investigasaun ne'e continua lao to'o iha fim do ano.

Iha 2021, OSS-sira konfortável tebe ho konseitu lobby no pruntu organiza enkontru no diálogu sira ho ofisiál governu atu apresenta sira-nia rezultadu peskiza no relatóriu-sira. Esforsu-sira ne'e demonstra komunikasaun forte entre setór OSS no ministériu relevante-sira, no OSS-sira iha oportunidade amplu atu koalia ho membru-sira husi Parlamentu Nasionál.

Iha 2021, FONGTIL nafatin konvoka auditória sosiál ho programa governu sira balun, rekomenda ajustamentu, no bolu governu atu esbelese sistema ida atu sukat implementasaun husi mudansa ne'ebé rekomenda iha kada setór. Dekretu Lei, ne'ebé maka institucionaliza hanesan auditória-sira no submete ba iha Konsellu Ministru iha 2020, pasa ho susesu iha 2021.

Hanesan iha 2020, relatóriu auditóriu sosiál continua atu influensia alokasaun orsamentu governu ninian no emfáze área sira seluk husi prekupasaun-sira. Purezemplu, responde ba lobby husi OSS-sira hanesan Rede Feto, Parlamentu Nasionál rekuñese nesesidade no rekere orsamentu sensibilidade ba jéneru iha kada liña ministeriál, maske ministériu-sira balun de'it maka implementa ona to'o agora. Nafatin, laos rekomendasaun-sira hotu husi OSS tau ona iha konsiderasaun iha política pública, no follow up ho governu no implementasaun dalaruma limitadu tebes.

Iha 2021, FONGTIL realiza enkontru konaba possibilidade altera Lei Nú. 5/2005 atu espesíficamente regula organizasaun-sira ne'ebé estabelese iha rai seluk husi Timor-Leste ne'ebé maka halao servisu iha nasaun ne'e, hanesan iha diskusaun lete. Alende ne'e, advokasia ba reforma lei OSS limitadu. Maske OSS-sira envolve ativamente iha esforsu kontra lei defamasaun iha 2020, debate demokrátiku liu ba iha Lei Krime Sibernétiku atu regula espasu online, lista no diskute ona oituan iha 2021.

PROVIZAUN SERVISU: 3.4



kapasidade OSS atu oferese servisu moderadu aumenta iha 2021 tanba OSS-sira aumenta sensibilidade ba sira-nia comunidade-sira iha COVID-19 no Siklone Seroja Tropikál.

Iha pasadu, OSS-sira iha Timor-Leste fornese servisu iha área programátiku ne'ebé diferente, inklui direitu umanu, harii dame no prevensaun konfliktu, jéneru no inkluziun sosiál, involvmentu joven, agrikultura, edukasaun, advokasia, apoiu umanitáriu, no peskiza. Iha 2021, tanba ho kontinuasaun impaktu husi COVID-19 no destrusaun aumenta husi Siklone Seroja Tropikál, maioria OSS-sira foku ba iha servisu sosiál báziku no apoiu umanitáriu, pozisiona atividade-sira ne'ebé maka ladun urjente atu suspende.

OSS-sira signifkamente espertu no efisiente liu iha responde ba iha nesesidade urjente iha 2021. Sira utiliza diak tebes iha plataforma virtúal atu facilita sira-nia servisu no babain oferese apoiu ba comunidade sira ne'ebé prezisa. Continua sira-nia servisu iha responde ba iha krize COVID-19, iha 2021, OSS-sira estabelese estasaun fase-liman iha área públiku hanesan merkadu lokál, eskola, igreja, no sentru comunidade sira. OSS-sira mós parseiru xave governu nian iha servisu asisténsia, maske ho limitaun orsamentu no kapasidade staff. Purezemplu, OSS-sira parseiru xave governu iha kampaña vasinasau COVID-19, ajuda distribui informasaun no enkoraja comunidade-sira, espesialmente iha área rurál no remotas sira, atu hetan vasina bainhira ne'e disponível. Alende ne'e, OSS-sira realiza asesementu no monitoriza implementasaun programa governu ninian iha nível comunidade.

Mídia senter FONGTIL, estabelese hanesan plataforma temporáriu iha 2020 atu fahe informasaun konaba COVID-19, ne'ebé maka kontinua ativu iha 2021. Durante tinan ne'e, serve nu'udar fonte integrál husi informasaun sira ne'ebé loos ba iha tantu comunidade nomós governu.

OSS-sira la diskrimina iha selesaun sira-nia beneficiariu-sira bazeia ba rasa, kultura, relijiaun, ka jéneru. Iha 2021, OSS-sira rapidamente haluan sira-nia servisu atu atinji comunidade sira ne'ebé refujiadu sira nia nesiedade tanba siklone iha Abril no inundasaun, oferece apoiu umanitária maske antes intervensaun husi governu. Membru-sira Rede Referál (Referral Network), hanesan Rede Feto, AIFeLa (*Asistencia Legal ba Feto no Labarik*), and Psychosocial Recovery and Development in East Timor (PRADET), nomós oferece apoiu no espasu seguru ba iha feto no labarik sira iha uma mahon. Apoiu umanitáriu husi OSS-sira partikularmente nesésáriu iha 2021 tanba ne'e fornese direktamente ba iha comunidade-sira ne'ebé prezisa, bainhira apoiu husi governu babain liuhusi kanál lideransa komunitáriu ho nune'e risku tebes ka bias iha distribusaun.

OSS-sira kontinua oferece sira-nia servisu ho gratuíra, uza fundus husi doador internasionál no governu.

Iha 2021, OSS-sira mantein nu'udar parseria xave governu ninian. Autoridade governu rekuñese valór husi sira-nia apoiu partikularmente responde ba iha nesiedade emerjénsia no asisténsia ba iha comunidade-sira ne'ebé vulnerável tebes iha nível nasional no lokal.

SETORIÁL INFRAESTRUTURA: 3.3

Apoiú infraestrutúra setór OSS moderadu aumenta iha 2021 tanba aumenta oportunidade treinamentu ba OSS no parseria ho governu no setór privadu atu atinji nesiedade emerjénsia.


FONGTIL kontinua atu serve hanesan plataforma ne'ebé boot tebes no apoiu organizaun OSS-sira, facilita kapasitasaun ba ninia membru-sira no kordenasaun tantu entre setór no ho autoridade governu. Responde ba iha asesmentu anterior husi setór OSS, iha 2021, FONGTIL fornese treinamentu ba ninia membru-sira konaba advokasia, jestaun organizasionál no lideransa, política finansas, política abuzu seksuál, no buka fundus, ho mateéria hotu iha Tetun.

Iha 2021, UN Women nia programa Spotlight Initiative, ho fundus husi Uniaun Europeia, mós oferece treinamentu konaba violénsia bazeia ba jéneru ba OSS-sira iha nível nasional no munisipál; OSS-sira ne'ebé partisipa iha treinamentu ne'e realiza fali workshop atu integra isu jéneru ba iha Programa Nasionál iha programa Dezenvolvimentu Suku. USAID/Timor-Leste ninia atividade ONG Advokasia ba Boa Governasaun realiza atividade harii kapasidade konaba jestaun programa no finansas, advokasia, peskiza, no analiza ba iha parseiru ONG tantu virtúál nomós hasoru malu, ho kumpri na protokolu saúde. Ida ne'e melhora tebes kompara ho 2020, bainhira maioria treinamentu-sira suspende tanba restrisaun-sira atu halibur malu no OSS-sira nia prioridade servisu asisténsia ba COVID-19.

Embora la iha organizaun ka fundasaun lokal sira fornese fundus ba OSS-sira, organizaun-sira balun hetan sub-granted husi apoiu estranjeiru iha 2021, hanesan iha 2020. Alende ne'e, kompañia lokal balun oferece apoiu umanitária no materiál báziku ba OSS-sira, atu bele distribui ba sira ne'ebé afeitadu tebes husi impaktu COVID-19 no siklone.

Iha 2021, OSS-sira kontinua envolve iha koligasaun no rede atu hametin sira-nia relasaun no hadia sira nia efetividade no impaktu, tantu iha nível nasional no lokal. Rede sira ne'e inklui, purezemplu, Asosiasaun Baucau iha Munisípiu Baucau no Rede Referál iha Covalima; OSS envolve iha plataforma-sira ne'e inklui enkontru mensál atu update atividade-sira no dezenvolve planu asaun sira, hanesan fornese asisténsia legal no uma mahon ba iha vítima-sira husi violénsia bazeia ba jeneru. OSS nia esforsu kolaborativu seluk maka enkontru hamutuk atu fahe konaba planu kampaña konaba isu-sira ne'ebé relasiona ho rai, direitu umanu, feto no joven, ema ho difisiensia, no membru comunidade husi lesbian, gay, bisexual, no transgender (LGBT). OSS-sira mós kolabora durante iha tinan ne'e hanesan membru taskforce husi governu atu kombate pandemia COVID-19, lansa iha 2020 no kontinua to'o 2021.

SECTORIAL INFRASTRUCTURE IN TIMOR-LESTE



Iha 2021, OSS-sira aumenta kolaborasaun ho setór-sira seluk, inklui governu, setór privadu, média, no organizaun relijiozu sira. Hanesan iha 2020, parseria intersetoriál ne'e partikularmente foku ba iha prevensaun no mitigasaun imapkto COVID-19. Purezemplu, setór privadu kontinua atu fornese dizenfektan no máskara, embora OSS-sira kordena distribusaun husi apoiu sira ne'e. Nune'e mos iha 2021, OSS-sira balun servisu iha setór agrikultura estabesele sindikatu atu ajuda comunidade agrikultór-sira komunika diak liután ho Ministériu Agrikultura, setór privadu, no fornese dór. OSS-sira servisu hamutuk ho governu nomós serve hanesan rekursu ba iha ministériu-sira balun iha implementasaun programa, partikularmente servisu foku liuba iha isu—hanesan promove orsamentu sensibilizasaun jéneru iha kada liña ministériu, hanesan diskute ona iha leten—no fornese rekomendasaun política atu kombate korupsaun no kolusaun.

IMAJEN PÚBLIKA: 3.1



imajen pública OSS-sira nian moderadu aumenta iha 2021 tanba média kobertura ho pozitivu servisu OSS nian, tantu liuhusi kanál notísia no kontinua dezenvolve média senter FONGTIL ninian. Setór privadu mós demonstra pozitivu tebes persepsaun konaba OSS, hases husi konfuzaun anterior hodi foku iha kolaborasaun responde ba nesesidade emerjénsia iha 2021.

OSS-sira kontinua melhora no pozitivu iha kobertura média iha 2021, especialmente relasiona ho sira-nia servisu konaba protokolu saúde COVID-19 no kampaña vasinasaun. OSS servisu frekuentemente mosu iha televizaun nasionál, no organizaun-sira balun kolabora ho rádio komunitáriu atu promove sira-nia atividade-sira. Iha kazu balun, maske, média kobertura foku ba iha involvimentu representante governu duke sira-nia servisu

rasik, no ne'e bele difikulta ba OSS-sira atu mantein atensaun iha média. Tantu OSS Timor-nian no internasionál mós oferese sumáriu husi sira-nia atividade-sira enkoraja kobertura, maibé oferese materiál dalaruma edit ladun loos no interpreta sala bainhira publika husi média Timor ninian. FONGTIL nia média senter mós oferese kobertura média ne'ebé diak tebes ba OSS nia servisu relasiona ho COVID-19 iha 2021.

Persepsaun públiku konaba OSS-sira, tantu urbana no rurál, mantein pozitivu iha 2021. Komunitade-sira haree OSS hanesan parseiru xave iha prosesu dezenvolvimentu Timor-Leste, no hanesan ponte entre sira no governu. OSS involve ho comunidade-sira iha baze no sira-nia asesmentu akuradu ba nesesidade ne'ebé urjente tebes significativu kontribui ba iha persepsaun pozitivu iha 2021, hanesan halo sira nia apoiu rápidu iha tempu emerjénsia. Tanba ativista OSS-sira dalaruma ba sai hanesan polítiku ka involve ativamente iha partidu polítiku, sei iha konfuzaun balun iha públiku konaba afiliasaun polítiku husi OSS; iha 2021, maibé, ne'e limitadu, domina liu ho imapkto pozitivu signifikante husi servisu OSS.

Tantu governu no setór privadu iha persepsaun pozitivu konaba OSS iha 2021, especialmente hanesan setór kontinua nu'udar parseiru integrál ba responde ba krize nasionál. Governu no Parlamentu Nasionál partikularmente fila ba OSS-sira ba informasaun krítiku konaba nesesidade iha baze no asisténsia atu hatan ba nesesidade comunidade la-ho diskriminasaun. Hanesan mós, setór privadu haree OSS-sira hanesan parseiru importante iha distribusaun facilidade no materiál ba sira ne'ebé presiza, especialmente hodi responde ba iha inundasaun no COVID-19. Iha 2020, setór privadu dalaruma haree OSS-sira hanesan ativista polítiku ka konfliktu ho sira iha isu partikulár, maibé prekupasaun-sira ne'e la mosu iha 2021 tanba setór rua ne'e servisu hamutuk atu fornese servisu asisténsia ne'ebé nesesita duni.

Maioria OSS-sira kontinua atu promove sira-nia atividade-sira liuhusi média nasionál no sira-nia website rasik, websita doador nian, e-mail, no plataforma média sosiál hanesan Facebook. OSS-sira kontinua atu konvida jornalista-sira atu halo kobertura ba atividade-sira hanesan publikasaun, semináriu, workshop, no enkontru sira, maibé dalabarak espekta atu oferese pagamentu ba kobertura hanesan asuntu apoiu. FONGTIL média senter mós ativamente promove atividade membru-sira nian.

Maioria OSS-sira iha sira nia kódigu konduta no política konaba fraude, abuze seksual, no protesau labarik; ida ne'e partikularmente ba iha membru FONGTIL nian, ne'ebé mak inklui OSS-sira hotu, embora organizaun comunidade

baze kontinua limitasaun kapasidade iha dezvoltamentu interna. Maioria OSS-sira kontinua publika relatóriu anuál, ne'ebé maka hafoin distribui ba iha organizasaun doador sira no publika online ka liuhusi buletin. Membru FONGTIL sira mós apresenta sira-nia relatóriu iha enkontru assembleia anuál.

Renunsiasaun: *Opiniaun-sira ne'ebé expresa iha ne'e husi panelista-sira no peskizadór projetu sira seluk no la nesesariamente refleta ba opiniaun-sira husi USAID ka FHI 360.*